



十九史略通考

四

和装本

伊  
2228  
4





古今歷代標題註釋十九史略通考卷四之上

前進士廬陵 曾 先 之 編次

松塢門人番陽竹窩余進宗海通考

東晉

○

中宗元皇帝名睿琅邪王伯之孫也宣帝懿生伯伯

生觀或曰睿母實與琅邪小吏牛金通而生於惠懷

為再從兄弟睿音銳伯音宙從去睿嗣觀為王懷帝

時為安東將軍都督揚州諸軍事鎮建業以王導為

謀主每事咨焉咨勸問也睿名論素輕吳人初不附導勸

用諸名勝顧榮賀循紀瞻等為掾屬撫綏新舊江東

王導  
勸用  
名勝  
江東

歸心焉後又得庾亮卞壺等百餘人謂之百六掾音屬

蜀壺音闔○名論名譽議論也名勝謂有六名望者掾官屬也言辟官屬百有六人故曰百六掾桓彝

避亂過江見睿微弱憂之既而見導退謂周顛曰江

左有管夷吾吾無憂矣顛魚豈反○管仲相桓公霸諸侯故以比王導諸名

士遊宴新亭顛中坐而歎曰風景不殊舉目有江河

之異因相視流涕導曰當戮力王室共復神州何至

作楚囚對泣邪新亭在江寧縣南十里神州謂中原愍帝以睿為左丞

相范陽祖逖少有大志嘗與劉琨同寢中夜聞雞聲

蹴琨起曰此非惡聲也因起舞及是南渡請兵於睿

睿素無北伐之志以逖為豫州刺史與卒千人不給

鎧仗逖渡江中流擊楫而誓曰祖逖不能清中原而

復濟者有如此江少去聲蹴于六反鎧音愷楫音接○逖范陽人蹴踏也鎧甲也仗兵

器也楫掉也愍帝又以睿為丞相都督中外諸軍事長安

陷睿出師露次移檄北征實不行羣臣勸即晉王位

明年即皇帝位野宿曰露次○段匹磾殺太尉廣武侯劉

琨碑音低初琨與祖逖齊名琨謂人曰常恐祖生先吾

著鞭懷愍時為并州刺史琨出軍長史叛降石勒段

匹磾時為幽州刺史在薊城遣人邀琨琨率眾奔薊

與段匹磾歃血同盟翼戴晉室有欲襲取薊者遣書

請琨為內應書為邏騎所獲而琨實不知也竟為匹

劉曜  
改號  
為趙

蒲洪  
降趙  
祖逖  
卒士  
女若  
喪父  
母

慕容  
廋為  
遼東  
公跋  
拓跋  
猗盧  
總攝  
三部

猗盧  
為王

○漢主聰卒太子粲立其臣靳準弒而代之石勒引

兵討準劉曜自立於赤壁封勒為趙公曜疑勒自稱

趙王曜亦改號為趙勒為後趙靳具各反姓也○略陽臨渭

氏酋蒲洪驍勇多權略群臣畏服之劉聰嘗拜為將

軍不受在懷帝也自稱畧陽公至是降于趙主曜音西

適○略陽縣名屬汧胡之官長曰酋○豫州刺史祖逖卒初逖取譙

城進屯雍丘後趙鎮戍歸逖者甚眾逖與將士同甘

苦勸課農桑撫納新附帝以戴淵為將軍來督諸軍

事逖以已剪荆棘收河南地而淵雍容一旦來統之

意甚快快又聞王敦與朝廷構隙將有內難知大功

不遂感激發病卒豫州士女若喪父母朝音朝後並同難去聲喪

平聲○雍丘縣名屬汴梁快快不滿之意遂成也○鮮卑慕容廆先是嘗遣

使于晉受帝命為平州刺史至是以為平州牧遼東

公使去聲○平州屬河東今平灤府○初拓跋祿官死猗盧總攝三

部劉琨與猗盧結為兄弟懷帝時表為大單于封代

公帥部落自雲中入鴈門琨與以陘北之地由是益

盛嘗為琨援大敗劉曜之兵於晉陽雲中郡名屬大鴈門亦郡名

陘即代州陘即并猗盧城盛樂為北都平城為南都愍

帝進猗盧爵為王置官屬食代常山二郡常山郡屬河北今真

王敦  
反

定府猗盧愛少子欲立為嗣而出其長子六脩使六脩拜其弟不從而去大怒討之兵敗而過弒猗色之子普根討滅六脩而自立尋卒少去聲長上聲國人立猗盧弟之子鬱律至是猗色之妻殺鬱律而立其子賀儔鬱律之子什翼捷在襁褓母匿之袴下得不殺儔農入聲什音涉捷堅處反襁居丈反褓音保○王敦舉兵反據石頭殺尚書僕射周顛還武昌射音夜初帝之始鎮江東也敦與從弟導同心翼戴推心任之敦總征討導專機政群從子弟布列顯要時人語曰王與馬共天下從去聲推音吹馬謂司馬晉姓也敦先領揚州刺史都督征討諸

王抑損  
王氏

軍進為鎮東大將軍都督江揚荆湘交廣六州諸軍事江州刺史尋領荊州恃功驕恣帝畏惡之乃引劉隗刁協為腹心稍抑損王氏權導亦漸見疎外惡去聲陳氏曰江州屬江西今九江府湘州屬湖南即長沙郡交州在二南粵即交趾廣州屬廣東也敦參軍錢鳳等凶狡知敦有異志陰為畫策至是敦遂舉兵武昌以誅隗協為名狡音絞陰為之為去聲隗協勸帝盡誅王氏帝不許導率宗族每且詣臺待罪周顛將入導呼之曰伯仁以百口累卿顛不顧入見帝言導忠誠申救甚至帝納其言顛醉而出導又呼顛不與言顧左右曰今年殺諸賊奴取金印如斗大繫肘後既出

王導  
諸臺  
待罪  
周顛  
救導

王敦不為盛德事

又上表明導無罪導不知恨之

呼去聲見音現肘音帶○御史之府曰臺

伯仁顓字也肘臂也

帝召見導導稽首曰亂臣賊子何代無之

不意今者近出臣族帝跣而執其手曰茂弘方寄卿

以百里之命以為前鋒大都督

茂弘導字也寄百里之命說見論語集註

敦至石頭城據之曰吾不復得為盛德爭矣

言難掩無君之

也跡

隗協等分道出戰大敗而還帝令百官詣石頭見

敦敦殺周顓導不救後料檢中書故事見顓表執之

流涕曰吾雖不殺伯仁伯仁由我而死幽冥之間負

此良友敦不朝而去

令去聲

帝憂憤成疾而崩在位六年

改元者三曰建武大興永昌太子立是為肅宗明

皇帝

史斷曰元帝本牛氏之子冒典午之裔遷居江表

天下士民有思晉者皆裹狼而歸之中外勸進拒

而弗從及愍帝遇害始正位號亦庶乎知節者加

以天性簡儉容受直言初鎮江東頗荒于酒王導

正色直諫亟命引觴覆之所幸鄭夫人衣無文綵

布帳練帷詳刑簡化史氏稱其光啓中興非溢美

矣然帝才具不優志氣非遠初以懷帝之命來臨

江左國有緩急固宜糾合義旅入衛王室而乃自

為封殖之謀無慷慨救時之志懷帝遂以蒙塵迄

不聞勤王之舉愍帝嗣立增重寄委制詔深切所  
宜動心顧乃坐視神州陸沈戎馬縱橫曾不以介  
意焉方且陽為出師遷延不進遂使河南終淪左  
衽惜哉夫受君父之托而坐視其禍變因時事之  
艱難而僥倖以自利三綱淪矣其能以討賊乎此  
所以建國規模亦復不競亂臣賊子如王敦者不  
旋踵而起豈無自而然哉

○ 肅宗明皇帝名紹幼而聰慧嘗有使者從長安來元  
帝問紹曰長安近日近紹曰長安近但聞人從長安  
來不聞人從日邊來元帝奇其對一日與群臣語及

之復以問紹紹曰日近元帝愕然曰何異間者之言

邪紹曰舉頭見日不見長安元帝益奇之使去聲愕音岳驚貌

閒音潤閒者猶言昨者也及長仁孝喜文辭善武藝好賢禮士受

規諫與庾亮溫嶠等為布衣之交長上聲好去聲王敦在石

頭以其有勇略欲誣以不孝而廢之賴嶠等衆論沮

其謀至是即位沮慈呂反止也敦謀篡位移屯姑孰自領揚

州牧姑孰郡名屬江東今太平府○以王導為司徒加大都督揚

州刺史督諸軍討敦敦復反發兵而病使郭璞筮之

璞曰明公起事禍必不久敦大怒曰卿壽幾何璞曰

命盡今日日中敦斬之璞音扑帝自出覘敦軍敦晝夢

好賢禮士

以王導為大都督討敦之

敦黨  
悉平

日環其營驚悟曰黃鬚鮮卑兒來邪帝母鮮卑出也  
亟遣人追之不及規丑廉反規也鮮卑人鬚黃帝母  
荀氏燕人故帝類外氏而黃鬚也  
亟音棘帝帥諸軍出屯南皇堂夜募壯士渡水掩敦  
兄王含軍大破之南皇堂在江寧縣北敦聞舍敗曰我兄老婢  
耳門戶衰世事去矣因作勢起欲自行困乏復卧尋  
卒敦黨悉平發敦屍斬之作勢起謂病困力乏強  
力而起也○復去聲有  
司奏罪王氏兄弟詔曰司徒導以大義滅親將十世  
宥之悉無所問宥音右  
赦也○以陶侃都督荆湘等州軍  
事侃少孤貧孝廉范逵過之侃母湛氏截髮賣為酒  
食逵薦侃遂知名侃苦且反少去聲逵音葵湛從減  
反食音似○逵初舉孝廉故以稱

陶侃  
運甓

之截初為荊州都督劉弘所用討義陽叛蠻張昌又  
討破江東叛將陳敏又擊破湘州劇賊杜弢弢音叻  
○義陽  
郡名屬河南今  
信陽州劇強也自江夏太守為荊州刺史王敦疾之  
左遷廣州刺史江夏郡名即武昌古人  
尚右故降貶者曰左遷侃在州朝運  
百甓於齋外暮運於齋內人問其故答曰吾方致力  
中原故習勞耳甓音僻磚也侃欲匡復  
神州故曰致力中原至是復鎮荆  
州士女相慶侃性聰敏恭勤嘗曰大禹聖人乃惜寸  
陰眾人當惜分陰言禹之克勤至惜寸陰眾人與聖  
人相去懸絕雖分陰亦當惜也  
取諸參佐酒器蒲博具悉投於江曰博者牧猪奴  
戲耳參佐貳副之官也博  
蒲音樞蒲賭博之貝嘗造船籍竹頭木屑而掌



之後正會雪霽地濕以木屑布地及後有征蜀之師  
得侃竹頭作釘裝船其綜理微密類此釘音丁○籍  
其數也正會蓋  
正旦朝會也○帝崩在位三年改元者一日太寧  
太子立是為顯宗成皇帝

史斷曰明帝潛謀獨斷躬率六軍掃除大憝未及  
暮年敦黨悉平雖享國日淺而志亦可壯矣

○顯宗成皇帝名衍母庾氏五歲即位司徒王導與帝  
舅中書令庾亮受遺詔輔政庾太后臨朝朝音潮  
後並同○  
歷陽內史蘇峻反峻前守臨淮於王敦再犯闕時人  
衛有功威望漸著及在歷陽卒銳器精志輕朝廷招

王導  
庾亮  
輔政  
蘇峻  
反

下壺  
父子  
忠孝

侃討  
峻斬  
之

石勒  
大破  
趙兵

温嶠  
卒

納亡命庾亮脩石頭城以備之建請徵峻為大司農  
峻舉兵陷姑孰尚書令下壺督軍與峻力戰死二子  
隨之亦赴敵死母撫其屍曰父為忠臣子為孝子何  
恨庾亮出奔峻兵犯闕庾太后以憂崩陶侃温嶠入  
討峻斬之歷陽郡名屬淮西今和州臨淮府名屬淮東  
願望威風名望也亡命謂有罪逃死者建請  
○後趙王石勒大破趙兵於洛陽獲趙主曜  
以歸殺之初曜與勒連攻戰互勝負曜攻後趙金墉  
城勒自將救之大戰於洛陽趙兵大潰曜醉墮馬為  
勒所獲前趙亡為去聲○金墉城在洛陽西北○趙自  
劉淵僭號至是凡四世三十七年而亡  
○驃騎將軍始安公温嶠卒嶠初為劉琨所遣使江

石勒稱帝

東母不欲嶠絕裾而去既至不復得歸北終身以為恨嶠盡心晉室敦峻之平皆嶠力使去聲○敦峻○

趙王勒稱趙天王尋稱帝嘗大饗群臣問曰朕可方古何主或曰過於漢高勒笑曰人豈不自知卿言太過若遇高帝當北面事之與韓彭比肩耳若遇光武當並驅中原未知鹿死誰手大丈夫行事當礪礪落落如日月皎然終不效曹孟德司馬仲達欺人孤兒寡婦狐媚以取天下也礪音磊○方比也韓彭韓信越也老狐能變化以媚惑於人故稱欺誑諂惑者為狐媚也

勒雖不學好使人讀書而聽之時以其意論得失聞者悅服嘗聽讀漢書至酈食其勸

立六國後驚曰此法當失何以遂得天下及聞張良

諫乃曰賴有此耳好去聲下同酈音力食音其音并後遣使脩好于

晉晉焚其幣勒卒子弘立使去聲

胡氏曰石世龍謂人豈不自知信矣而未知知人

之不易也光武之於漢高猶武王之於文王也勒

謂遇高帝即與韓彭比肩遇光武則當並驅中原

是以光武為韓彭之流豈知光武者哉高帝開四

百餘年基業石勒肉未及冷妻子已不能保徐光

乃謂神武謀略過於漢高主有侈心臣進諛說其

不能長世也宜哉

侃威  
名赫  
然

石虎  
弒主  
自立

改國  
號漢

代什  
翼健  
制百  
官

王掾  
不癡

太尉長沙公陶侃卒諡曰桓侃都督八州威名赫然或

謂侃嘗夢生八翼上天門至八重折左翼而下力能

跋扈每思折翼之夢輒自制在軍中四十一年明毅

善斷人不能欺自南陵至白帝數千里路不拾遺重平

聲斷去聲陳氏曰八州荆湘雍梁交廣荆江也赫

然明盛貌南陵郡名屬江東今寧國府是也白帝城

名在夔州○趙石虎弒其主弘自立為趙天王殺勒種無遺

類種上○成主雄以兄子班為太子雄卒班立雄子

越弒班而立其弟期期忌雄弟壽威名使出屯于外

壽還襲弒期而自立改國號曰漢○代王翳槐卒弟

什翼健立先是代王賀偃卒弟紇那嗣紇那出奔鬱

律子翳槐立紇那復還翳槐奔趙納翳槐于代翳

槐臨卒命諸大人立什翼健大人部自猗廬死國多

內難部落離散什翼健雄勇有智略能脩祖業始制

百官號令明白政事清簡百姓安之難令皆於是東

自濊貊西及破落那南距陰山北盡沙漠率皆歸服

有眾數十萬人拓跋氏自此愈大濊音畏○濊貊東

破落那大宛之後在疏勒西北陰山縣名○丞相始

與公王導卒初常即位冲幼每見導必拜既冠猶然

委政於導冠去聲導以門地辟王述為掾述未知名人

謂之癡既見問江東米價述張目不答導曰王掾不

謂之癡既見問江東米價述張目不答導曰王掾不

謂之癡既見問江東米價述張目不答導曰王掾不

謂之癡既見問江東米價述張目不答導曰王掾不

謂之癡既見問江東米價述張目不答導曰王掾不

謂之癡既見問江東米價述張目不答導曰王掾不

尊王  
輔相

王導  
輔相  
三世  
衣不  
重帛

癡

辟音壁下同○辟薦舉也門地門闕地位也鄱陽石氏曰導以民食為急故問米價述以當今之務

莫急於內去強臣外復中原宋價之問非所宜先故不答導以述不答所問必有深見故謂述不癡

每發言一坐莫不贊歎述正色曰人非堯舜何得每

事盡善導改容謝之改容變色導性寬厚所委任諸將多

不奉法大臣患之庾亮欲起兵廢導或勸導密備導

曰吾與元規休戚是同元規若來吾便角巾歸第復

何懼哉元規亮字也休樂也戚憂也弟亮雖居外鎮私居角巾以葛為之隱者之服

而遙執朝權據上流擁強兵趨勢者多歸之導內不

能平嘗遇西風塵起舉扇自蔽徐曰元規塵汚人污

也也導簡素寡欲善因事就功雖無日用之益而歲計

有餘輔相三世倉無儲穀衣不重帛重平聲○陳氏曰以每日治效

論之似無益以每歲治效計之則有餘三世元明成也儲積也

史斷曰東晉中興王導之功居多焉方元帝之在

藩也導獨知其可輔陳以興復之計傾心推奉其

於中興之功一也既而西都覆沒四方勸進王敦

憚帝嚴明欲更議所立賴導固爭厥議遂止其於

中興之功二也及其輔政不以江左寡弱而為偷

安之計方且大立規模廣連羽翼先用顧榮賀循

以來衆士盡收過江名流以佐謀畫故桓彝見其

亟談時事而輟憂周顛聞其志復神州而收淚其

於中興之功三也是以賢士競進百姓歸心荆揚  
晏安戶口殷實江左立國幾百餘年導之功豈小  
小哉

司空庾亮平初蘇峻之亂亮激之也峻平亮泥首謝  
罪求外鎮自效泥首筌蹄云囚首也後都督江荆等

州諸軍事辟殷浩參軍浩與褚裒皆識度清遠善談  
老易擅名江東而浩尤為風流所宗裒音培老子道德經易

軍羅布江沔為伐趙之規蔡謨曰不能以大江禦蘇  
峻安能以沔水禦石虎乃詔論止之至是卒于武昌

庾亮請石城鎮聽

封慕容王為燕

以其弟翼都督江荆等州軍事沔音免石城在沔陽沔水出武都郡東

○封慕容皝為燕王自皝父廆為遼東公立皝

為世子雄毅多權略喜經術廆卒皝立其下勸稱王

皝使請于晉遂封之使去聲甯崩在位十八年頗有勤

儉之德改元者二曰咸和咸康二子丕奕在襁褓母

弟琅琊王立是為康皇帝母弟同母之弟也

史斷曰成帝頗務簡約雄武之度雖有嫌於前王

而恭儉之德足追蹤於往烈又能敬禮故老大臣

有足稱者惜乎政出渭陽賞刑顛錯殺戮近親貶

黜舊傳帝僅六歲已能詰問流涕則庾亮之專國

擅權可知矣蘇峻雖云狂悖逆謀未彰亮處置失宜激成反狀乃奉頭鼠竄僥倖求免遂致遺憂國母遷帝石頭倘非温嶠陶侃諸君子戮力討賊斬峻平亂則社稷幾非晉有嗚呼危哉

○康皇帝名岳成帝臨崩以岳為嗣遂即位○漢主壽卒太子勢立○庾翼移鎮襄陽詔以翼都督征討軍事翼為人慷慨喜功名不尚浮華殷浩才名冠世翼弗之重曰此輩宜東之高閣俟天下太平徐議其任耳時人擬浩管葛伺其出處以下興亡曰深源不出當如蒼生何翼請浩為司馬不應翼以王夷甫嘲之

殷浩才名冠世

桓温英雄之才

冠應皆去聲處上聲○陳氏曰擬比也管葛管仲諸葛亮也伺候也深源浩字也夷甫衍字也譏浩但能如王衍清談耳琅邪內史桓温豪爽有風聚翼嘗薦之曰英雄之才宜委以方召之任至是翼以滅胡取蜀為已

任欲悉眾北伐乃移鎮而請命詔從之翼以温為前

鋒督風聚威風氣聚也方召謂方叔召穆公也並周宣王卿士○帝在位三年崩

改元者一曰建元太子立是為孝宗穆皇帝

○江州都督庾翼卒以桓温都督荆梁等州軍事翼

初表其子領荊州何充曰荆楚國之西門豈可以白面少年當之桓温英略過人西任無出温者丹陽尹

會稽王昱輔政

○

聃音聰昱音欲

桓溫  
伐漢

石虎  
稱帝

褚裒  
表請  
伐趙  
蒲洪  
來降

劉惔知溫有不臣之志謂昱曰溫不可使居形勝地

昱不聽竟以溫代翼少去聲惔音談○白面少年言不歷事也西任西夏之任也丹

即建業○漢主李勢驕淫不恤國事桓溫帥師伐之

拜表即行進至成都勢降送建康漢亡漢自李雄僭號至是五世

凡四十四○燕王皝卒世子儁立○趙主虎稱皇帝

尋卒太子世立其兄遵弒之而自立趙亂晉征討都

督褚裒表請伐之朝野以為中原指期可復蔡謨獨

以為莫若度德量力經營分表恐憂及朝廷裒遣將

果敗沒度音鐸分去聲○分表謂分限表外也○蒲洪遣使來降使去聲下

並同洪事趙累世至是石閔言於趙主遵曰蒲洪人傑

張重  
華稱  
涼王

也今鎮關中恐秦雍非國家有遵罷洪都督洪怒歸

枋頭遂通于晉石閔虎養子也枋頭荅蹄云在汲郡即今衛輝府也○張重華

自稱涼王重平聲初惠帝之世張軌為涼州刺史威著

西土懷帝陷沒軌遣兵助愍帝於長安帝以軌為涼

州牧西平公軌卒子寔立為妖賊所殺弟茂立趙主

劉曜擊茂茂降趙茂卒寔之子駿立茂臨終語駿必

奉晉不可失駿雖臣於後趙石勒耻之成帝時假道

於蜀以通晉駿卒子重華立晉遣使乃拜西平公重

華自為王為妖之為去聲○按張氏四世忠晉自駿而後鮮克繼者矣○趙石鑑

石閔  
改國  
號魏  
盡滅

弒其主遵而自立石閔又幽鑑殺之而自立改國號

石氏

魏復姓冉氏殺虎三十八孫盡滅石氏石虎養子至

是復姓冉○後趙自石勒僭號至是六世凡二十二年而亡閔後為燕所破執而

殺之為去聲○蒲洪自稱三秦王改姓苻洪先擒趙將

麻秋不殺而用其言因宴為秋所鴆子健斬秋代領

洪眾健入長安自稱秦天王已而稱帝為去聲○陳氏曰以其地

蒲洪 苻健 苻洪 苻健 苻洪 苻健 苻洪 苻健

本封秦降將三人故稱三秦王以識文有草付應王之說故改姓苻○燕王偽稱皇帝

○趙姚襄來歸而復叛襄父弋仲南安赤亭羌酋也

懷帝末戎夏襁負隨之者數萬自稱扶風公其後服

於前趙劉曜又事後趙石勒石虎甚重之以為冠

軍大將軍虎死趙亂至冉閔滅趙弋仲遣使降晉復扶

設浩 北伐 無功

又反冠去聲○南安郡名屬弋仲卒襄率眾來歸詔鞏昌即今鞏昌府赤亭水名

襄屯誰城後屯歷陽揚豫等州都督殷浩在壽春惡

襄強盛遣將襲之為襄所斬先是朝廷聞中原大亂

復謀遙取浩受任連年北伐無功至是率諸軍再舉

襄伏甲邀之浩至山桑襄縱擊浩大敗走惡為皆去聲○山桑

筌蹄云○西平公張重華卒子曜靈立其下廢之而

立張祚為涼公祚重華弟也○殷浩以罪免為庶人浩連

年北伐無功桓溫因朝野之怨上疏請廢之朝廷初

以浩抗溫浩廢自此內外大權一歸溫矣浩雖愁怨

不形辭色嘗書空作咄咄怪事字久之郝超勸溫處

桓溫 請廢 殷浩



三輔復觀軍官

猛風門當世

浩令僕以書告之浩欣然答書慮有誤開閉十數竟  
達空函温大怒遂絕卒於謫所咄當沒反郝音茹處音拚○桓温帥師伐秦  
也浩望空書寫惟作咄咄怪事四○桓温帥師伐秦  
字而已今僕謂中書令僕射也  
大敗秦兵于藍田轉戰至灊上秦主苻健閉長安小  
城自守三輔皆來降温撫諭居民使安堵民爭持牛  
酒迎勞男女夾路觀之耆老有垂泣者曰不圖今日  
復觀官軍勞復皆去聲○藍田縣名屬安西  
有大志隱居華陰聞温入關被褐謁之捫虱而談當  
世之務旁若無人温異之問猛曰吾奉命除殘賊而  
三秦豪傑未有至者何也猛曰公不遠數千里深入

姚襄北據許昌

敵境今長安咫尺而不渡灊水百姓未知公心所以  
不至温默然無以應華應皆去聲捫音門虱音瑟○  
屬華別褐毛布賤者之服也灊水出京兆藍田縣北入于渭未知公心謂疑温有異志也  
温與秦  
兵戰于白鹿原不利秦人清野温軍乏食欲與猛俱  
還猛不就百鹿原在永興縣初温指秦麥以為糧既而秦人悉芟其麥故曰清野言野外清淨  
無一物也○秦主健卒太子生立○凉主弒其君祚立張  
玄靚為凉王玄靚祚子也○姚襄叛降于燕北據許昌又  
攻洛陽拒温督諸軍討襄進至河上與僚屬登平乘  
樓北望中原嘆曰使神州陸沉百年王夷甫諸人不  
得不任其責至伊水裏戰連敗而走温屯金墉謁諸

符堅  
王猛  
一見  
如舊

謝安  
少名  
重名

陵置鎮戍而還襄將西圖關中秦遣兵拒擊斬襄襄  
弟萇以眾降秦萇音長○陳氏曰陸沈謂平地陷沒

陽入洛諸陵也伊水出商州上洛縣熊耳山至洛○秦苻堅弑其君生自立為天王堅生

雄之子也有薦王猛於堅者一見如舊自謂如玄德之於

孔明一歲中五遷官舉異才脩廢職課農桑恤困窮

秦民大悅玄德昭烈字也孔○燕王儁卒太子暉立

暉音○桓温以謝安為征西司馬安少有重名前後

徵辟皆不就士大夫相謂曰安石不出如蒼生何年

四十餘乃出少去聲○帝在位十七年崩改元者二曰

永和升平無嗣成帝子琅琊王立是為哀皇帝

史斷曰康帝降年不永無足多者穆帝襁褓之資  
母后稱制中外無事十有餘年維時石虎死胡中  
大亂朝廷乃用殷浩蕩平關河然用違其才卒致  
山桑之敗晉之威權自此一歸桓温矣盖温與浩  
少而齊名晉人用浩本圖抗温故其敗也温之  
勢浸以熾焉

哀帝  
寢疾

桓温  
督中

○哀皇帝名丕即位三年而寢疾又一年而崩改元者

二曰隆和興寧弟琅琊王立是為帝奕

帝奕名奕成帝之幼子也既即位以會稽王昱為丞

相○桓温自哀帝時為大司馬都督中外諸軍事錄

尚書事加揚州收移鎮姑孰以郝超為參軍王珣為主簿人語曰髯參軍短主簿能令公喜能令公怒

聲

○大司馬溫帥師伐燕秦人救之溫及燕人戰于

枋頭不利而還○燕慕容垂既擊破晉軍威名日盛

燕主忌之垂奔秦秦以為冠軍將軍○秦遣王猛等

伐燕取洛陽秦主堅入鄴執燕主暉以歸燕自慕容

儁僭號至是三世○桓溫陰蓄不臣之志嘗撫枕嘆

曰男子不流芳百世亦當遺臭萬年欲先立功還受

九錫及枋頭之敗威名頓挫郝超勸溫行伊霍之事

以立大威權溫遂入朝白太后廢帝在位六年改元

秦遣 燕代 桓溫 蓄不 志

者一日太和會誓王立是為簡文皇帝挫才卧反摧也

番陽石氏曰伊尹放太甲霍光廢昌邑王為宗社

計其心公也小人妄以為擬不亦異哉

史斷曰哀帝以及廢帝政出桓溫太阿倒持虛器

徒擁卒被廢黜哀哉

簡文皇帝名昱元帝子也清虛寡欲尤善玄言桓溫

迎即位九閱月而不豫急召桓溫入輔如諸葛武侯

王丞相故事溫望帝臨終禪位否即居攝不副所望

時謝安王坦之在朝溫疑坦之安沮其事心甚銜之

帝在位改元咸安太子立是為烈宗孝武皇帝玄言道家

之言也不豫謂有疾而不豫悅也王丞相謂王導言孔明王導皆輔立幼君故以溫擬之也衡之猶言恨也

史斷曰簡文為桓溫所立雖處尊位恭默守道而已嘗懼廢黜泣下沾襟帝雖神識恬暢而乏濟世大略故謝安稱其為惠帝之流清談差勝耳謝靈運謂述其行事以為赧獻之輩從可知矣

烈宗孝武皇帝名昌明年十歲即位○桓溫來朝詔謝安王坦之迎于新亭都下洵洵云欲誅王謝因移晉祚坦之甚懼安神色不變洵通鑑作恟許拱反喧擾之意溫既至百官拜于道側溫大陳兵衛延見朝士坦之流汗沾

王坦之

執手板

衣倒執手板安從容就席謂溫曰安聞諸侯有道守在四鄰明公何須壁後置人邪溫笑曰正自不能不爾遂命撤之與安笑語移日郝超卧帳中聽其言風動帳開安笑曰郝生可謂入幕之賓矣手板笏也壁牆壁之後復置人也爾如此也撤收也溫有疾還姑孰疾篤諷求九錫安坦之故緩其事尋卒篤者甚也○秦丞相清河侯王猛卒猛臨終謂秦主堅曰晉雖僻處江南然正朔相承上下安和臣沒之後願勿以晉為圖鮮卑西羗我之仇敵終為人患宜漸除之以安社稷言訖而卒堅哭之曰天不欲使吾平一六合邪

王猛願勿晉圖

涼降于秦

何奪吾景略之速也

處音杵○正朔相承言直得正也

氏也六合上下四方言天下也

○涼降于秦先是張玄靚之叔父天

錫弒玄靚而自立天錫荒于酒色政亂秦伐之兵至

姑臧天錫面縛出降

姑臧縣名屬永昌○涼自張駿稱王至是六世凡六十二年

而○代王拓跋什翼犍世子寔早卒繼嗣未定庶長

子遂殺其諸弟併殺什翼犍會秦兵擊代部衆逃潰

國中代亂秦分代為二部自河以東屬代南部大人

劉庫仁自河以西屬匈奴劉衛辰使統其衆代世子

寔之子珪尚幼母賀氏以珪走依賀訥已而依庫仁

庫仁奉珪恩勤不以廢典易意長上聲訥奴骨反易音亦○晉以

秦分代為二部

謝玄不負所舉

秦兵分道入寇

秦人強盛為憂詔求良將可鎮禦北方者謝安以兄

子玄應詔都超歎之曰安之明乃能違衆舉親玄才

不負所舉吾嘗見其使才雖屐履間未嘗不得其任

玄鎮廣陵得劉牢之等為參軍戰無不捷號北府兵

敵人畏之

應去聲屐竭戰反木屐也

○秦遣兵分道入寇陷諸郡

執襄陽刺史朱序以歸已而議大舉或謂晉有長江

之險堅曰以吾之衆投鞭於江可斷其流時中外皆

諫惟慕容垂姚萇欲乘其釁勸之南伐堅遂發長安

戍卒六十餘萬騎二十七萬

斷音短騎去聲豐許及反隙也

晉以謝

石為征討大都督謝玄為前鋒都督督衆八萬拒之

草木皆為晉兵

慕容垂稱

玄遣劉牢之帥精兵五千趨洛澗直渡水擊秦前鋒

梁成斬之石等水陸繼進陳氏設曰澗水出河南府新安縣白石山東南入洛

堅登壽陽城望見晉兵部陳嚴整又望見八公山草

木皆以為晉兵憮然有懼色憮音武○陳氏殷曰壽陽郡各屬淮西今安豐

府是也八公山在壽春北憮然失意貌秦兵逼肥水而陳玄使人謂曰

移陳小却使我兵得渡以決勝負可乎堅欲聽晉兵

半渡蹙之麾兵使却秦兵退不可復止朱序在陣後

呼曰秦兵敗矣遂潰玄等乘勝追擊秦兵大敗走者

聞風聲鶴唳皆以為晉兵至堅狼狽還長安復扶又反呼去

聲○却退也蹙迫也狼似犬銳頭白頰高前廣後狼屬無前足附狼而行失狼則不能行也○秦

王姚萇稱慕容冲帝

慕容垂叛據河內自稱燕王○秦姚萇起兵北地自

稱秦王是為後秦北地郡各屬陝西今耀州是也○秦慕容冲起兵

平陽稱帝于阿房是為西燕西燕攻長安秦王堅出

奔後秦主萇執而弑之平陽郡各屬山西阿房城名在雍州長安西北

司馬公曰論者皆以秦王堅之亡由不殺慕容垂

姚萇愚獨以為不然使堅治國無失其道則垂萇

皆秦之能臣也焉能為亂哉李克有言數戰則民

疲數勝則主驕以驕主御疲民未有不亡者也堅

似之矣

謝安文雅

太保建昌公謝安卒謚文安文雅過王導有德量方

過王導

拓跋珪代魏  
珪為王稱

秦寇至朝野震動安夷然固其賭墅捷書至安方與客碁覽畢置坐側無喜色碁罷客問之徐曰小兒輩已遂破賊客去安入戶喜甚不覺展齒折其矯情鎮物如此野承與反田盧也喜極而躍故○秦苻丕稱帝于晉陽丕堅子也○拓跋珪復立為代王先是劉庫仁為其下所弑弟頭眷代領其眾庫仁之子顯殺頭眷而自立又欲殺珪珪奔賀蘭部依其舅諸部大人推珪為主遂即王位徙居盛樂後改稱魏為其之為去聲樂音洛○秦將軍乞伏國仁叛據隴右自稱西秦王賀蘭狄別種名○秦將軍乞伏國仁乞伏氏國人名鮮卑人○燕王垂稱皇帝○西燕弑其主冲立

慕容永稱帝  
苻登稱帝

江左無事

段隨又弑隨立慕容忠又弑忠立慕容永永擊秦主苻丕丕敗南走為晉將軍馮該邀擊殺之慕容永稱帝於長子為去聲○長子秦登○秦苻登稱帝於南安秦登之疎族也○西秦王乞伏國仁卒弟乾歸立○秦呂光據涼州自稱三河王尋稱涼天王○後秦姚萇先是已入長安稱帝苻登引兵數與後秦戰互有勝負數音朔○後秦主萇卒太子興立帥兵擊秦主登殺之秦白苻健晉號至是六世凡四十四年而亡○燕主垂圍長子拔之殺西燕主永○燕主垂卒太子寶立○貴人張氏弑帝於清暑殿帝自敗秦之後江左無事會稽王道子為政帝嗜

酒流連而已長星見帝舉酒向之曰長星勸汝一杯  
酒世豈有萬年天子邪張貴人年二十寵冠後宮醉  
中戲之曰汝以年亦當廢矣貴人使婢蒙其面而弒  
之在位二十四年改元者二曰寧康太元太子立是  
為安皇帝見音現冠音貫○道子孝武弟也文穎曰  
長星蓋彗之類彗星光芒短其光四出  
彗星光芒長如掃箒然長星光芒有一直指  
或竟天或十丈或二三丈皆妖星也蒙掩也

史斷曰武帝即位而能委任謝安謝玄等故新亭  
數語足折桓溫之氣肥水一戰大敗苻秦之師是  
以上下輯睦晉室似有生意矣然帝方溺於酒荒  
于色奏凱方旋驕氣掬面曾不閱時遽用讒言疎

退賢輔遂使王綱不振恩威不立道子荒于朝政  
國寶彙以小人拜授之榮初非天旨鬻刑之貨旁  
午權門毒賦年滋愁民歲廣內殿嚴邃雜處浮屠  
請脩孔廟疏入不報晚年長星告變猶不警悟房  
偉烈禍起自戲言晉祚至此蓋已亡而未滅耳

○

安帝不慧  
道子輔政

安皇帝名德宗幼不慧口不能言寒暑創飽不辨飲  
食寢興皆非已出既即位會稽王道子以太傅輔政

○禿髮烏孤起於河西自稱西平王號南涼禿髮氏  
烏孤名

鮮卑人○燕慕容詳稱帝於中山慕容麟襲殺詳而自

立魏王珪及麟戰大破走之遂克中山麟奔慕容德

慕容德稱帝



涼段業稱王

慕容盛稱帝

涼呂隆降秦

李暹據燉煌

柔然起於漠北

為德所殺德往據廣固後稱帝是為南燕為德之為去聲○廣

固城名在兗州○涼段業叛自稱建康公後稱涼王據張掖

是為北京段姓業名也○燕段速骨作亂攻陷龍城燕主

寶出奔尚書蘭汗誘而弑之龍城在上谷郡北○燕長樂王

慕容盛稱帝於龍城是為北燕○會稽王道子專以

政事委世子元顯晉政亂東土囂然妖賊孫恩因民

心騷動自海島出作亂劉裕因討恩有功而起○涼

王光卒太子紹立庶兄纂弑而代之呂超弑纂而立

其兄隆隆後降秦而涼亡後涼自呂光僭號至是四世凡十八年而亡○

北涼沮渠蒙遜弑其君段業自稱張掖公亦號北京

蒙遜匈奴之種也後遷姑臧沮渠氏蒙遜名也種去聲○北京燉

煌太守李暹自稱涼公是為西涼後徙酒泉暹音果○

柔然起於漠北奪高車之地而居之吞併諸部士馬

繁盛雄於北方其地西至焉耆東接朝鮮南臨太漠

旁小國皆羈屬與魏為敵焉音烟著音支朝音潮屬音竹○柔然後秦屬國也

高車亦狄種也焉耆西域國名太漠代北之地羈縻也○荆江州刺史桓玄舉

兵反初玄嗣父温為南郡公負其才地以雄豪自處

處音杵○南郡即江陵才地才能門地也嘗守義興嘆曰父為九州伯兒

為五湖長棄官歸國長上聲○陳氏殷曰義興縣名屬常州五湖在烏程縣界蓋湖

方五百里後為江州刺史尋都督荆江等八州軍事

故曰五湖

據江陵

八州荆湘雍秦梁益寧江也

至是舉兵入建康殺元顯又

殺道子玄自為相國封楚王加九錫已而迫帝禪位

劉裕舉兵於京口討玄與玄兵戰大破之玄出走斬

首於江陵帝復位裕鎮京口

京口郡名屬江浙今鎮江府是也

○秦

赫連勃勃據朔方自稱大夏天王勃勃故匈奴劉衛

辰之子也

赫連氏勃勃名也

○南燕主德卒太子超立侵略

晉邊劉裕抗表伐之○北燕為其臣馮跋所滅先是

北燕主盛為其下所弒叔父熙立跋得罪於熙弒之

而立熙之養子高雲未幾又弒雲而自立

為去聲○後燕自慕

容垂僭號五世凡○魏主珪嘗殺人之夫而納其妻

與之生子紹兇狠無賴弒珪齊王嗣誅紹而立珪諡

道武皇帝廟號烈祖

無賴猶言無藉也嗣珪長子也○書法曰魏道武自遷平城首

遣使循行郡國可謂有恤民之心既稱皇帝即置五

經博士可謂知經國之本又制冠服定官品亦庶乎

日不暇給規模宏遠者矣光啓後人廟號太祖

宜哉然惑於方士以誤其身則小知學之過也○劉

裕拔廣固執南燕主超送建康斬之南燕自慕容德

凡十三○盧循乘劉裕北伐出自番禺直下襲建康

裕被徵急還諸軍力戰循乃還裕追破之循走交州

番禺音潘愚郡名即廣州交州今交趾國也

○西秦

刺史杜慧度擊斬之乞伏公府弒其君乾歸世子熾磐討殺之而自立○

西秦襲滅南涼先是南涼王烏孤卒弟利鹿孤立卒

西秦襲滅

劉裕北伐

弟儻立至是為乞伏熾磐所襲以儻歸殺之南涼亡為夫聲○南涼自禿髮烏孤僭號至是三世凡十八年而亡○秦主興卒太

子泓立太尉劉裕督諸軍伐之至潼關遣王鎮惡帥

水軍自河入渭大破秦兵遂入長安秦主泓出降裕

至長安送泓詣建康斬之潼關在華陰縣○後秦自姚萇僭號至是三世凡三十四年

而亡○夏王勃勃陷長安稱皇帝初勃勃聞劉裕

伐秦曰裕必取關中然不能久留若以子弟諸將守

之吾取之如拾芥耳至是三秦父老聞裕將還請門

流涕曰殘民不霑王化於今百年始覩衣冠人人相

賀公捨此欲何之乎裕還彭城勃勃遂陷長安歸紗

萬裕欲南歸以成篡事故不能久○太尉裕自為相

國封宋公加九錫裕以讖云昌明之後尚有二帝乃

使人縊帝弑之帝在位二十三年改元者三曰隆安

元興義熙昌明孝武帝名也俞琅琊王立是為恭皇帝

史斷曰安帝弗辨寒燠口不能言道子元顯並傾

朝政納賄窮奢不知紀極主昏臣亂莫熾於斯桓

玄乘釁遂行篡奪劉裕舉兵誅玄再安宗社自時

厥後伐南燕斬盧循滅姚泓晉之威令雖伸而裕

之權勢駸駸乎非復前日劉下邳矣晉欲安可得

乎

○  
劉裕  
移鎮  
壽陽

恭皇帝名德文即位之明年宋公裕自進爵爲宋王  
移鎮壽陽又明年裕還建康帝在位改元者一日元  
熙禪位于裕已而被弒東晉自元帝至是凡十一世  
一百三年西晉東晉通一百五十六年而亡  
史斷曰劉裕弒安帝而立恭帝卒爲裕所篡而昌  
明後二帝之讖應矣

胡氏曰元帝忘國大讎無恢復之志惟明帝才略  
最優又降年不末餘皆碌碌不足算也嘗怪王敦  
蘇峻構亂桓溫廢立屢起逆謀桓玄已篡然猶綿  
歷百有餘年之久者尚賴王導祖逖溫嶠謝安謝

玄王坦之諸賢忠義奮發平內難却強秦以扶持  
之也然而卒莫能恢拓中原者蓋以導知寬簡植  
國而不能從祖逖雍丘益兵之語安知和靜鎮國  
而不能從謝玄乘勝自往彭城之謀故也群賢旣  
沒而道子元顯之徒輔之敗亡不亦宜乎

南北朝

南朝自晉以傳之宋宋傳之齊齊傳之梁梁傳之陳  
北朝自諸國併於魏魏後分爲西魏東魏東魏  
傳北齊西魏傳後周後周併北齊而傳之隋隋  
滅陳然後南北混爲一今以南爲提頭而附北

於其間愚按南北位均體敵皆非正夢故綱目兩行分書其紀年至隋開皇九年滅陳  
然後大書之其先南者內諸夏也此書曾氏以南為提頭亦庶幾綱目之意也今從之

古今歷代標題註釋十九史略通考卷四之上

古今歷代標題註釋十九史略通考卷四之下

前進士廬陵曾先之編次

松塢門人番陽竹篙余進宗海通考

宋

○ 宋高祖武帝姓劉氏名裕彭城人也裕生而母死父

翹僑居京口將棄之從母救而乳之從去聲○寓居曰僑從母謂伯

叔母也及長勇健有大志僅識字長上聲僅猶略也小字寄奴

嘗行遇大蛇擊傷之後至其所見群兒搗藥裕問何

為答曰吾王為劉寄奴所傷裕曰何不殺之兒曰寄

奴王者不死裕叱之即散不見為劉之為王者之王皆去聲叱音只咤也

寄奴  
王著  
不死

西涼  
亡

初參劉牢之軍事嘗遣覘賊遇賊數千人裕奮長刀獨驅之衆軍因乘勢進擊大破之裕由是知名覘丑反

窺視也其後為將相二十餘年誅桓玄平孫恩盧循滅

南燕後秦卒受晉禪○西涼王李暠卒諡曰武昭王

世子歆立數年至是為北涼沮渠蒙遜誘與戰殺之

西涼亡為去聲○西涼自李暠僭號至是二世凡二十二年而亡○宋主裕殂在

位三年改元者一曰永初太子立是為廢帝營陽王

少帝為徐羨之等所廢而降封王故曰廢帝營陽王後凡言廢帝某王某侯者皆倣此

史斷曰宋武帝乘桓玄之亂首唱義兵奮臂一呼

兇黨瓦解遂奉迎乘輿再興晉室厥功已不細矣

既而治兵整衆經營四方揚旗東征則廣固潰卷

甲南趨則盧循滅偏師西上譙縱授首銳卒北征

姚泓面縛遂汎掃伊洛脩奉園陵震驚旃裘之心

發舒華夏之氣南國之盛未有過於此者也惜乎

席不暇暖舉千里之秦付之嬰孺引兵遽還志在

篡國蓋一舉足而赫連氏已躡踵而入關中卒不

復見中原之定可勝歎哉然迹其取國以來清簡

寡欲嚴整有度被服布素遊宴絕希嬪御寡少不

畜私藏孝于後母又詔幼主當朝母后不得預政

此八者皆人君之要行而武帝兼之亦足以為一

代之良主矣

○

廢帝營陽王名義符年十七即位居喪無禮遊戲無

居喪無禮

度○魏主嗣殂諡曰明元皇帝廟號太宗太子燾立

魏主嗣殂

燾音道○書法曰魏於是始書殂晉亡也○宋主在位二年收元者一曰

景平徐羨之傅亮謝晦廢而弑之宜都王立是為太

宗文皇帝

史斷曰火帝體易染之資稟可下之質外物錯亂

其心所欲必從其志遊狎無度施為乖戾徐羨之

等廢而弑之自取之也

○

太宗文皇帝名義隆素有令望少帝廢迎入即位

少令

素有令望

皆去聲○義隆武帝第三子也○夏主勃勃殂世子昌立○晉徵士

陶潛卒徵士被召不仕之士也○書法曰潛卒于宋

書晉何潛心乎晉者也綱目予節故特書美之潛字淵明潯陽人侃之曾孫也潯陽郡名少有高

陶潛少有高趣

趣嘗為彭澤令八十日郡督郵至吏白應束帶見之

潛歎曰我豈能為五斗米折腰向鄉里小兒邪即日

解印綬去賦歸去來辭著五柳先生傳以自見少令為傳

皆去聲郵音尤○彭澤縣名屬九江應當也五斗米

筌蹄謂月俸管見謂日俸未知孰是折曲也門裁五柳故號五徵著作郎不就自以先世為晉臣自宋高

祖王業漸隆不復肯仕至是終世號靖節先生謚法

自克曰節○魏人及夏戰于上邽執其主昌以歸夏赫連

魏執夏主

昌  
夏赫  
連定  
稱帝

定稱帝於平涼魏人追之敗績夏復取長安

邦音圭  
上邦

縣名平涼府名屬  
鞏昌即右北平

○秦王乞伏熾盤卒世子暮末立

○燕王馮跋殂弟弘殺其太子翼而自立○夏滅秦

以秦王暮末歸殺之西秦自乞伏國仁僭號至  
是四世凡四十七年而亡夏主

定擊涼吐谷渾襲敗之執定以歸

吐谷渾音土欲  
西夷國名慕容氏

之別種也○夏自赫連勃勃僭  
號至是三世凡二十四年而亡

○涼王蒙遜卒子牧

健立○宋謝靈運有罪誅靈運好為山澤之遊從者

數百人伐木開徑百姓驚擾或表其有異志靈運詣

闕自陳宋主以為臨川內史靈運游放自若有司糾

之被收靈運執使者興兵逃逸作詩曰韓亡子房奮

靈運  
有罪

靈連  
興兵  
逸

魏伐  
燕伐  
魏伐  
涼

魏殺  
司徒  
崔浩

秦帝魯連耻追討擒之徙廣州已而棄市

好從使皆  
去聲臨川

邑名屬  
撫州

尹氏曰靈運既仕宋而食其祿則與子房異矣興

兵逃逸其志將何為哉

魏伐燕燕王弘奔高麗

高麗下音離東夷國名後二  
年弘為高麗所殺○書法曰

燕書伐何晉亡而進魏於宋也○北燕自  
馮跋僭號至是二世凡二十八年而亡

魏主伐涼

姑臧潰涼王牧犍降

姑臧城名燕所都○書法曰魏  
主及諸國主自是不名何無正

統也○北涼自沮渠蒙遜僭號  
至是二世凡二十四年而亡

○魏殺其司徒崔浩

夷其族浩自明元時已為謀臣輒有功信道士寇謙

之勸魏主崇奉立天師道場受符籙而最惡佛法誅



沙門毀佛像佛書魏主命浩脩國史書魏先世事皆  
詳實刊石立之衢路北人忿恚譖浩暴揚國惡魏主  
大怒遂案誅之惡佛之惡去聲  
恚音意恨怒也  
尹氏曰符籙之事前所未聞而始見於此魏主虔  
恭受之自宜神物後先而乃其身不保然則果何  
益哉夫沙門居中國而從夷狄捨正道而尚異端  
棄君臣絕父子滅人倫毀形體游手游食以耗蠹  
民財其罪大矣誅而滅之不亦宜乎後之欲尊奉  
二教者可以鑒矣  
石氏原曰天師道場符籙不過惑世誣民竊財以

宋主  
侵魏

玄謨  
伐魏  
敗走

自利而已原情定罪寔天地間一妖妄人也漢人  
目之曰米賊夫豈過哉

宋人大舉侵魏取碣磈圍滑臺魏主自將救之宋將  
軍王玄謨退走魏主引兵南下攻盱眙不克進次瓜

步宋人戒嚴守江魏師還

碣口勞反磈五勞反城名  
今濟州是也滑臺即滑州

屬河東盱眙音于怡縣名屬楚州瓜步山名在真州  
○書法曰宋加魏書侵何忿兵也連年相攻則亦交  
侵而巳矣先是宋魏連年互相侵伐王玄謨勸宋大舉沈

慶之諫曰耕當問奴織當問婢今欲伐國奈何與白

面書生謀之

白面書生言其  
年少不歷事也

宋竟遣玄謨取河南魏

主聞之怒曰我生髮未燥已聞河南是我地今天時

尚熱姑歛戍北歸俟河水合以鐵騎蹂之騎去聲蹂

燥乾熱温姑且歛收也戍守兵也蹂踐也至冬魏主自將渡河衆號百萬

鞞鼓之聲震天地玄謨懼走魏人追擊大敗之鞞音

也魏主引兵南下直至瓜步聲言欲渡江建康震懼

民皆荷擔而立荷上聲荷擔而宋主登石頭城北望

歎曰擅道濟若在豈使胡馬至此道濟立功前朝老

於用兵先是以讒被收目光如炬脫憤投地曰乃壞

汝萬里長城既誅魏人聞之喜曰吳子輩不足復憚

至是長驅無能禦者壞音怪○憤中也萬里長城宋

人或欲斬玄謨沉慶之止之曰佛狸威震天下控弦

百萬豈玄謨所能當殺戰將以自弱非計也佛狸魏

字也控引弦魏師還殺掠不可勝計丁壯者斬截嬰

兒貫槊上盤舞所過赤地春燕歸巢於林木自宋主

即位二十八年間號為小康至是兵革之後邑里蕭

條元嘉之政衰矣勝音升槊音朔予也盤舞謂盤○

魏中常侍宗愛弒其君燾而立南安王余又弒余魏

主濬立討愛誅之初愛諧東宮官屬多坐誅死太子

晃以憂卒魏主追悼不已愛懼弒之後諡曰太武皇

帝廟號世祖余太武子也濬晃子也東宮太子府也

曰東○宋太子劭巫蠱事覺赦不誅劭弒其君義隆

元嘉政衰

魏主濬立

宋太子劭弒帝

而自立江州刺史武陵王駿舉兵討劾誅之

書法曰

誅何譏

失刑也宋主在位三十年改元者一曰元嘉武陵王

立是為世祖孝武皇帝

史斷曰文帝躬勤政事侃侃忘疲性存儉約不事侈靡加以在位日久綱維備舉條禁明密四境晏然戶口蕃息政平訟理惜乎內無股肱之臣外乏爪牙之士以萬里長城之人不免死於讒間之口而所與謀者不過日面書生而已而又不量其力橫挑強胡使師徒殲於河南戎馬飲於江津及其末路狐疑不決卒成子禍豈非文有餘而武不足邪

○孝武皇帝名駿

文帝第

三子也即位十二年殂改元者二曰

孝建大明太子立是為廢帝

史斷曰孝武因元兇之逆首倡義旅不逾月間勦除逆亂師直為壯成功固宜即位未幾沈湎于酒荒淫于色貪冒于貨嘲狎公卿誅仇諫士大興官室濫賞孽幸帑藏空虛迹其無道拒靈不若得保首領以沒於牖下蓋亦幸矣

○廢帝名子業即位居喪傲惰無戚容孝武踈忌骨肉多誅殺至是尤甚○魏主濬殂諡曰文成皇帝廟號高宗初太武經營四方國頗虛耗文成嗣之與時消

魏主 弘立 宋主 畏息 諸父

息靜以鎮之懷集中外人心復安予弘立○宋主畏  
忌諸父湘東王等幽於殿內捶曳無復人理恣為不  
道中外騷然宋人弑之在位二年改元者一曰景和  
湘東王立是為太宗明皇帝無復人理言不  
以人理待之也  
史斷曰廢帝之立凶悖轉甚誅殺無度內外反目  
假使中才之君有一于此足殞其軀况兼此衆惡  
不亡其何待乎

蕭道成 蕭道 養豪 傑

○明皇帝名彧或音育文帝  
第十一子也即位八年殂改元者一曰  
泰始自帝之初蕭道成將兵征討有功尋鎮淮陰收  
養豪傑賓客始盛已而為南兖州刺史至是褚淵薦

為右衛將軍與顧命大臣共掌機事太子立是為後

廢帝

宋改揚州廣陵為南兖州  
承遺詔輔嗣君曰顧命

史斷曰明帝頗好文義舊臣才學之士多見拔擢  
然猜疑諱忌言語文字有禍敗凶喪疑似之語應  
回避者犯即加戮而又保字螟蛉勦拉同氣晚年  
以神器之重付諸李氏之子作宋史者當於明帝  
之崩直書劉氏之絕斯實錄矣

○後廢帝名昱明帝無子昱實嬖人李道兒之子也明  
帝子之殺諸王十五六人惟恐昱之不立十歲即位  
桂陽王休範舉兵反攻建康蕭道成擊斬之道成為

魏帝  
傳位  
太子  
宏

中領軍

通鑑明帝嘗以陳妃賜嬖人李道兒有娠迎還生昱遂立為太子明帝寢疾以昱知弱深

忌諸身休枯休仁休若等皆賜死惟休範以人才凡劣不為所忌故獨全之

○先是魏獻

文帝弘傳位於太子宏自稱太上皇帝以宏幼仍總

萬機太上聰睿夙成剛毅有斷而好黃老浮屠之學

故常有遺世之意

斷好皆去聲○黃老黃帝老子也浮屠佛氏也

其母馮太

后有所幸李奕為太上所誅太后怒遂弑之而稱制

為去聲

尹氏曰古之聖主兢兢業業一日萬幾豈因厭逸

樂而好勤勞哉所居天位所治天職祖宗基業之

付託海宇民物之歸仰宵衣旰食猶恐弗勝烏有

尊居人上而厭棄塵勞也哉魏主酷好老釋之學

每引朝士及沙門共談玄理雅薄富貴一旦敝屣

大位付之稚子舉大阿之柄委諸他人卒使禍起

宮闈身死婦人之手悲夫雖然魏主屏去聲色超

然物外其與窮奢極欲者相去遠矣而乃不享喬

松之壽反貽覆身之禍然則浮屠黃老之學果何

益哉

宋主驕恣嗜殺中外憂惶蕭道成與袁粲褚淵謀廢

立粲不可淵贊之遂弑之在位六年改元者一日元

徽安成王立是為順皇帝

宋王  
蕭恣  
中外  
憂惶

史斷曰蒼梧王異姓之子加以童孺之年冒偽類於呂秦暴虐浮於桀紂遊蕩罔節誅戮無常未五年間而遇弑識者謂天厭劉氏故假異姓以絕其國耳

○

順皇帝名准桂陽王休範子也明帝子之至是卽位○宋中書監袁粲謀誅蕭道成褚淵以其謀告道成粲父子俱被殺於石頭城百姓哀之曰可憐石頭城寧爲袁粲死不作褚淵生沈攸之亦舉兵江陵討道成軍潰走而縊死道成爲相國齊公加九錫已而進爵爲王宋主在位三年改元者一曰昇明禪于齊

蕭道成爲齊公

而彈指曰願後身世世勿復生天王家齊弑之而滅其族宋自高祖至是八世凡五十九年而亡

史斷曰晉氏渡江以來威靈不競戎狄橫騫虎視中原宋祖首興義兵糾合同志誅桓玄討篡晉之賊興復晉室固自以爲大有功矣曾未幾時躬行篡奪旣廢其主復以兵守之又逾月而弑之視桓玄之禍尤烈焉旣而二子俱不得其死傳之六主皆不壽終豈無天道哉然自宋以後姦人急於篡國貪心愈銳不待再傳而亟取之如齊梁陳北朝以後諸君朝謀夕取者比比而是也又可以驗世

變之益衰人心之益薄矣悲夫

齊

○  
肩有赤誌

齊太祖高皇帝姓蕭氏名道成蘭陵人也深沉有大  
量博學能文肩有赤誌如日月狀宋時在軍中久民  
間或言其有異相宋疑之而不能殺也竟代宋誌與應同  
性清儉每日使我治天下十年當使黃金同土價在  
位四年而亡改元者一曰建元太子立是為世祖武  
皇帝

史斷曰蕭道成屬劉宋傾危蒼梧王暴虐百姓凜  
凜命懸朝夕當是時道成果有忠宋之心與袁粲

等協謀廢黜異姓建立宗藩以隆宋祚為宋忠臣  
此上計也如其不然正蒼梧之偽冒明劉氏之已  
絕播告中外與天下放伐之然後王儉進易代之  
謀太后下宋終之詔事機胷合亦庶幾近正矣而  
乃自立順帝北面事之既已委質為臣又欲窺圖  
禪代取國求幾復行弑逆盡勦劉氏之族而殄其  
祀焉麀鼠鴟鴞奸計百出積惡翺業何以傳後齊  
祚之不長視六國最甚焉豈無故夫然其篡國之  
後以身率下以儉化民不御精細之物不好珠玉  
之玩內殿施黃紗帳宮人著紫皮履奇異物棄毀

不用而又訪政術於劉瓛詢得失於群臣亦足以爲一代之賢主矣

○武皇帝名贍卽位十一年殂改元者一日永明太子長懋已卒太孫立是爲廢帝鬱林王懋音茂

史斷曰武帝繼位之初詔免逋租革晉宋之弊政中外欣悅總攬大體每以富國爲先嚴明有斷郡縣久於其職長吏犯法封刃行誅故永明之世外表無塵內朝多豫百姓豐樂盜賊屏息雖宮室園囿頗好華麗然亦可謂齊之良主也

○廢帝鬱林王名昭業卽位一年改元隆昌西昌侯鸞

弒之新安王立是爲廢帝海陵王

史斷曰鬱林地居長嫡瑕釁未彰而武皇之心未變周道故得保茲神器正位宸極旣而愆鄙內作猜忌百生禍起宮闈身竟不保齊氏之亂胎於此矣

○廢帝海陵王名昭文爲鸞所立改元延興鸞自爲宣城王王卽位未四月廢而弒之宣城王自立是爲高

宗明皇帝爲鸞之爲去聲海陵王鬱林之弟也

史斷曰鬱林爲蕭鸞所弒而立海陵王當是時軍國大事盡摠於鸞乘輿起居皆咨稟而後行則亦



寄生而已矣

○  
殺高  
武子  
孫無  
遺類

明皇帝名鸞高祖之兄子也高祖愛之過於已子而武帝之太子長懋最惡之及得志殺高武子孫無遺類即位五年殂改元者二曰建武永泰太子立是為

廢帝東昏侯

惡去聲

史斷曰蕭鸞殺番陽王鏘等七人未幾再行弑逆遂篡大位踐祚以來數行誅戮疑忌橫生術數是用既而自植本根枝胤孤弱貽厥所授屬在凶愚用覆宗祊亦其宜也  
司馬公曰明帝自以得於不義猜忌高武子孫誅

夷殆盡深戒東昏以先事制人而大臣疑懼禍變相尋卒亡其國夫不勢令德而殺人以自安自古以來未有能濟者也

廢帝東昏侯名寶卷自在東宮不好學嬉戲無度既

即位不接朝士惟親信嬖幸屢誅大臣

好去聲朝音潮

○魏

主宏殂在位二十九年仁孝恭儉制禮作樂蔚然有

大平之風禁胡服胡語改姓元氏遷都洛陽為魏盛

德之主諡曰孝文皇帝廟號高祖太子恪立

按孝文改姓之

詔曰北人謂土為拓謂后為跋魏之先出於黃帝以土德王故為拓跋氏夫土者黃中之色萬物之元也宜改姓元氏諸功臣舊族自代來者姓或重復皆改之  
○齊主昏淫狂恣所幸

○  
魏改  
姓元

齊潘妃步蓮花

蕭衍兵圍建康

潘妃以金為蓮華帖地上使步之曰此步步生蓮華也左右用事賊虐日甚帖當作貼太尉陳顯達先舉兵襲建康敗死將軍崔慧景受命出討叛州還兵逼建康時南豫州刺史蕭懿將兵在近齊主急召入援慧景敗死以懿為尚書齊改歷陽為南豫州懿弟南雍州刺史衍使人勸懿行伊霍故事不爾亟還歷陽懿不能用竟賜死雍去聲亟音克○齊於襄陽置南雍州不爾謂不能廢立也亟急也衍起兵襄陽引而東圍建康齊人弒主而迎衍主在位三年改元者一曰永元時南康王先已自立是為和皇帝史斷曰東昏既立嬉戲無度所寵左右嬖臣至呼

○蕭衍封梁公為王

為阿父阿兄而不耻親信宦官不與朝士相接誅鋤大臣發於倉卒人人不能自保矣未幾遇弒豈偶然哉和皇帝名寶融明帝第八子東昏末寶融起兵於江陵已而稱帝改元曰中興未及東歸齊太后稱制以蕭衍為相國封梁公加九錫尋進爵為王齊主至姑孰詔禪于梁即位僅一年被弒齊自高祖至是七世凡二十三年而亡史斷曰蕭衍因伯氏被禍起兵襄陽遂移齊鼎當是時四海分裂人厭齊亂雖欲不梁其可得乎齊

之為國運祚不長何哉蓋高祖以弑逆得天下明  
帝以猜忌殺宗親東昏繼之淫虐尤甚促其年代  
有自來矣然則國祚脩短雖係乎天而實人自為  
之有國家者尚鑒于茲

梁

梁高祖武皇帝姓蕭氏名衍齊之疎族也母張氏見  
菖蒲生花旁人皆不見吞之已而生衍英達有文學  
東昏初衍鎮襄陽知齊將亂乃密脩武備聚驍勇以  
萬數伐材沉檀谿積茅如岡阜音澆沈去聲○檀谿在襄陽城西山脊  
山曰岡阜

脩武  
備襄  
驍勇

魏主  
恪殂

以第事皆立辨兵起一年餘遂入建康受禪即帝位  
牙旗也軍行帳前建為牙 ○魏主恪殂諡曰宣武  
皇帝廟號世宗子詔立甫六歲母胡氏稱制及魏主  
既長好遊騁不親視朝而胡后方淫亂魏政始衰長  
聲好去聲 將軍張彞之子仲瑀上封事排抑武人喧  
謗盈路立榜大巷尅期會集屠其家彞父子不以為  
意封事謂實封言事也尅期猶言約日也 至是羽林虎賁近千人相率  
至尚書省詬罵以瓦石擊省門上下懾懼不敢禁討  
遂至彞第焚其舍曳彞父子毆擊投火中仲瑀重傷  
走免彞死遠近震駭胡后收其兇強八人斬之餘不

歡至洛陽

復治大赦以安之

賁音奔詭許侯胡茂二反憚之涉反○羽林掌送從虎賁掌宿衛無

常負多至千人言其勇猛如虎之奔騰也詬怒罵也懾恐畏也懷朔鎮函使高歡至

洛陽見張彞之死還家傾貲以結客或問其故歡曰

宿衛相率焚大臣之第朝廷懼而不問為政如此事

可知矣財物豈可常守邪使去聲○陳氏曰懷朔鎮即朔州屬山西歡祖謚坐

法徙居其地歡娶婁氏有馬給鎮遂為函使宿衛直宿守衛宮禁之官歡自先世坐法

徙北邊遂習鮮卑之俗深沉有大志與侯景等相友

善以任俠雄鄉里如淳曰相與信為任同是非為俠

曰以權力也○魏胡太后臨朝以來嬖倖用事政事縱

弛盜賊蠶起封疆日蹙弛施氏反懈怠也魏主詔寢長

朝后胡臨太

太后自不知所為不謹務為壅蔽母子嫌隙日深長上聲

寢漸也壅蔽謂壅遏蔽塞而時六州大都督秀容酋

長尔朱榮兵强高歡見榮即勸舉兵清帝側長上聲酋慈秋

反○六州并肆益廣恒雲也秀容縣名屬忻州酋長夷狄部帥之號尔與爾同爾朱姓榮名也清帝側謂

欲誅近臣而諱陵上之名故以掃清帝側為言會魏主殂胡太后鳩之也後

諡曰孝明皇帝尔朱榮舉兵立孝文之姪長樂王子

攸沉胡太后于河封榮太原王還晉陽樂音洛沈去聲北海

王顥奔梁梁立之遣將送入洛陽子攸出奔榮渡河

來救顥走死子攸歸加榮天柱大將軍顥下榮蓄不

臣之志魏主密謀誅之榮入手刺之尔朱世隆與尔

魏主殂立子攸

西

立廣  
恭陵王

分東  
西魏

朱兆立宗室長廣王曄入洛陽子攸遇弒後諡曰孝  
莊皇帝逃榮從子也曄疑世隆又以曄疎遠廢之而立  
孝文之姪廣陵王恭恭羽子也高歡起兵誅爾朱氏入洛  
陽廢恭而立孝文之孫平陽王脩脩弒恭後諡曰節  
閔皇帝歡自為大丞相建府於晉陽居之魏主畏歡  
謀伐晉陽勸擁兵來魏主奔長安依關西大都督宇文  
泰以泰為大丞相歡追魏主不及遂立清河王世  
子善見於洛陽遷于鄴魏自道武至是一百四十九  
年而分為東魏西魏鄴音業○宇文姓泰名代郡先  
武川人善見孝文曾孫也先  
是熒惑入南斗梁主曰熒惑入南斗天子下殿走乃

跪下殿讓之及聞脩出奔慙曰虜亦應天象邪

應去聲○

熒惑火星也南斗在箕星之北河漢之傍以夏秋  
之間昏見於南方非入地三十六度之南斗也

脩

至長安踰半年又與泰有隙泰鳩之後諡曰孝武皇

帝泰立南陽王寶炬

寶炬乃孝文之孫  
京兆王愉之子也

歡與泰連年

相攻戰互有勝負歡卒遺書囑其子澄曰侯景有飛

揚跋扈之志非汝所能制堪敵景者惟慕容紹宗

跋蒲  
未反

扈音戶景果叛以河南降西魏未幾復附于梁梁封

景為河南王景使至梁梁群臣皆不欲納梁主亦自

謂我國家如金甌無一傷缺恐納景因以生事惟朱

异力勸納之

○使去聲异音異  
挽小者曰甌

東魏遣慕容紹宗擊景

梁王履捨身佛寺

侯景逼臺城

景敗南走襲梁壽春據之請命梁就以爲南豫州牧

壽春蓋長淮以西之要地時以爲南豫州既而東魏求成於梁意欲得景

景恨梁通東魏遂反於壽陽引兵南渡圍建康成扣好也

壽陽即壽春梁主自卽位以來江左久無事惟崇佛法屢

捨身佛寺上下化之通鑑梁主敬帝同泰寺設無遮會釋御服持法衣行清淨大捨

親爲四衆講涅槃經群臣以錢一億萬奉贖表請還宮又云梁主用釋氏法長齋斷魚肉宗廟以麵爲牲

牢嘗言宜廣爲法事遂建十及景逼臺城援兵至者

皆爲景所敗城中飢甚爲去聲○臺城在建康城北二里梁主遣人

與景盟以爲大丞相臺城受圍五月而陷景入見引

就三公位見音現梁主神色不變謂景曰卿在軍中久

母乃爲勞景不敢仰視流汗不能對母無同景退謂人

曰吾常跨鞍對陳矢石交下了無怖心今見蕭公使

人自懼豈非天威難犯吾不可以復見此人懼質涉反懼也

梁主爲景所制飲膳亦被裁損憂憤成疾口苦索蜜

不得再曰荷荷遂殂爲荷皆去聲○索求也荷荷責怒聲也在位四十

八年改元者七曰天監普通大通中大

同太清中大通中大同三字年號先是太子紆仁明孝儉好學有

文在東宮三十年而終紆字德施小字維摩讀書五行俱下註文選三十卷註陶

詩年三十一而卒謚曰昭明陳主舍嫡孫而立別子至是卽位是

爲太宗簡文皇帝舍上聲

天威難犯

史斷曰梁武以齊之同姓世系有考遭時昏亂遂  
移齊鼎孝慈恭儉博學能文敬禮大臣勤於庶政  
立贖刑條赦吉玃死徵士求言尊經興學禮樂制  
度相望于冊是以天監之世時和歲豐海內無事  
然晚節末路釁超蕭牆禍成戎錫衣冠斃鋒鏑之  
下老幼粉戎馬之足金甌遂缺寶鼎屢移為千古  
所閔笑者何哉議者僉謂帝信朱异之謀貪河南  
之地棄輿國納叛人其禍遂至於死殊不知帝崇  
尚釋教變夏為夷堂堂衮冕至加夷狄之衣宗廟  
去牲至具蔬果之薦如是則不待侯景入國而江

左已為夷狄之區不待社稷變遷而宗廟已不血  
食矣其後臣叛其君子叛其父或頓兵自固而不  
急君父之難或舉州降仇而不恤宗國之亡夫以  
浮屠之學棄君臣絕父子而未流之禍其烈如此  
有國家者尚欲崇奉其教而不悟果何為哉

○簡文皇帝名綱

武帝第三子也

在東宮十八年而後遇侯景

之亂既立受制於景而已湘東王繹鎮江陵自稱假  
黃鉞大都督中外諸軍承制岳陽王譽昭明太子統  
之第三子也鎮襄陽與繹相攻譽遣使降于西魏以

求援

鉞音越譽與察同使去聲○繹武帝第三子也承受也言中外受其節制也

○東魏

大將軍渤海王高澄先是為其下所殺為去聲按澄於武帝太清

三年為膳奴蘭京所殺後謚曰文襄帝

史斷曰高澄初為世子以好色之故幾陷其父於  
禦刃之下已不容誅及其嗣霸不承先志肆為悖  
逆幽辱其主始拘扈仇未幾膳奴刃之禍起不測  
天道好還存以也夫

弟洋自為丞相封齊王世號北齊始此逼東魏主禪位尋弒  
之謚曰孝靜皇帝東魏建國一十七年而亡

史斷曰東魏之興實自孝靜于時國政盡出高氏  
雖篤好文學從容沈雅何救敗亡是可慨也

西魏立蕭為梁王

侯景篡位

西魏立梁蕭譽為梁王○魏主寶炬殂謚曰文皇帝

太子欽立○侯景自稱漢王廢梁主弒之尸位不及

三年改元者一曰大寶尸如祭祀之尸言梁主居其位而不得為其事猶尸主也

景立豫章王棟已而篡位棟昭明大子長孫先是始興太守

陳霸先起兵討景湘東王遣王僧辯討景景篡位數

月而為僧辯霸先所敗亡走吳欲入海為其下所斬

送尸建康傳首江陵截其手足送於北齊湘東王立

是為元皇帝為傳皆去聲○時湘東王鎮江陵故傳其首於江陵以景初叛東魏而北齊受

東魏禪故截其手足送北齊也

史斷曰簡文幼而聰睿多聞博達富瞻詞藻不幸



遭家不造正位宸極受制賊臣卒罹土囊之痛焉  
當是時太陰晝見天雨黃沙太白經天更日乃止  
梁祚將傾天文告變雖以才如周公猶難戡難况  
是文成宮體何補滅亡賊景陰篡弒之謀蕭棟陽  
受禪之號而建康之梁為景汗矣

元皇帝名繹一日眇性殘忍即位于江陵自侯景之  
亂州郡大半入西魏蜀亦為魏有梁自巴陵以下至  
建康以長江為限助音抄小也巴陵郡名屬湖廣今岳州府是也○突厥攻  
柔然北齊擊突厥遷柔然是時柔然衰突厥始强大  
突厥本西方小國姓阿史那氏世居金山之陽工於鐵作金山狀如兜鍪其俗呼兜鍪為突厥因以為國

突厥始大

魏宇文泰廢立梁

後梁臣西魏

號也○魏宇文泰廢其主欽而立其弟廓欽遇弒○魏  
遣柱國于謹帥師伐梁兵至南鄭梁主猶講老子百  
官戎服以聽魏軍至城下梁主焚古今圖書四十萬  
卷歎曰文武之道今夜盡矣乃出降或問何意焚書  
曰讀書萬卷猶有今日尋被殺在位三年改元者一  
曰承聖柱國官名言輔弼之臣為國家之柱石也于姓謹名也○魏取襄陽徙  
梁王譽于江陵使稱帝屯兵守之是為後梁臣於魏  
王僧辯陳霸先奉晉安王稱制于建康貞陽侯淵明  
先是為北齊所獲至是以兵納之僧辯奉歸建康稱  
帝霸先殺僧辯廢淵明立晉安王是為敬皇帝淵明梁宗

也室

史斷曰元帝以武帝之子摠上流之重方其京師覆沒君父告危於斯時奔走赴難可也而竟逡巡不進繼而徵兵湘州少不如意則含忍以就大事可也而遽行骨肉之誅終而簡文嗣位國祚幸存則翼戴以隆梁祚亦可也而乃不稟正朔復興成濟之謀觀其始終一念上不在其君親下不在其兄弟僥倖國釁希覬身謀師出無名何以討賊是以纔誅侯景即安江陵未越三期寇戎交逼自在漂搖机捏之中不思保國之計方且躬御龍光親

講老子使百官戎服以聽不思反己猶焚圖書其愚蔽亦甚矣卒之喪師覆旅身就拘囚豈非上靈降鑒此焉假乎天道人事其可誣乎

○

敬皇帝名方智元帝子也年十三即位陳霸先自為丞相錄尚書事○魏太師大冢宰安定公宇文泰卒

宇文覺為周公

世子覺嗣年十五宇文護輔之未幾以覺為周公護從兄也

史斷曰北周起於宇文泰因元魏擾亂孝武西奔遂挾天子而令之披草萊立朝廷其為國也微矣然卒收威定霸以弱為強南清江漢西舉巴蜀北

控沙漠東據伊瀍而又得蘇綽之奇才脩一代之  
文物乃擯黜晉魏憲章古昔依周禮而建六官作  
九命以叙官爵自三代以來官名法度少有可觀  
者唯宇文氏耳然秦旣鳩孝武又黜廢帝迹其所  
爲特亂臣賊子之所作視賀六渾有慙德焉史謂  
其功業如此能以善終吾誰欺欺天乎

魏主廓禪千周

是爲後周

廓遇弒後諡曰恭皇帝西魏建

國四世凡二十三年而亡魏自道武至是通一百七  
十一年

史斷曰西魏自孝武西奔長安軍國大權悉由於

宇文氏方坐困窮屯蹇之中而恣情縱欲爲人道  
所不爲之事不亡其何待乎文帝雖負剛斷之資  
而權柄久有所屬陵遲至恭帝而見滅於周矣  
司馬公曰魏之先世居朔野有國久矣道武棄燕  
氏之衰悉舉引弓之民以憑陵中夏馮首所向無  
不望風奔潰南取并州東舉幽冀兵不留行而數  
千里之地定矣繼以明元太武兼青兗包司豫摧  
赫連開關中梟馮弘吞遼碣虜沮渠并河右高車  
入臣柔然遠遁自淮以北逾於大漠悉爲其有子  
孫稱帝者百有餘年左衽之盛未之有也及孝文

嗣世乃貶戎狄之俗脩帝王之政崇儒雅興禮樂其風聲文物蔚然可觀矣宣武懦弱不克荷負寵信讒諛賊虐親賢元氏之業於茲始衰重之以孝明幼冲胡后淫恣盜賊蜂起日滋月盛於是尔朱榮乘之而起興晉陽之甲直指伊洛母后幼主沉於回淵公卿百官血濡馬足雖孝莊勇決手刃賊臣之而支黨四集禍不旋踵孝武惡高勸之逼逃遁入關遭宇文之禍不能自脫東西分裂相繼皆亡嗚呼人主當國家全盛之時宴安怠惰以失其威福之柄及民心已去禍亂已成雖有明斷之才

猶不能救况庸君乎

覺稱周天王性剛果惡護之專護弒之後謚曰孝閔

皇帝立泰之長子毓

惡去聲長上聲毓音育

史斷曰宇文覺以幼冲嗣霸曾未幾時宇文護遽取魏鼎而授之立國之初權歸於護政出私門雖負剛果之資終致蕭牆之禍以此開基何以永世梁丞相陳霸先自爲相國封陳公加九錫尋進爵爲王梁主改元者二曰紹泰太平尸位未及三年而禪于陳尋遇弒梁自高祖武帝至是四世凡五十五年而亡

史斷曰江陵陷沒元帝被擒王僧辯陳霸先奉敬  
帝還建康足未涉江齊人復以蕭淵明來而僧辯  
納之霸先殺僧辯廢淵明而敬帝復位當是時天  
心厭亂梁鼎屢更曾不數年竟為霸先所取而梁  
亡焉考論梁之立國大抵夷教盛行而彝倫攸斁  
義方不立而僭亂恣行侯景之難父子不相保兄  
弟叔姪自相屠正德綜綸有弑逆之心繹紀蕭譽  
無赴難之意簡文至痛在心為賊所脅不敢執哀  
而反與之宴樂凶愚貪詐惟利是圖甚者蕭繹叔  
父之親也誘圓正而殺之蕭譽猶子之行也執元

帝而辱之此其不恭不友不孝不弟不忠不義萃  
于一家是夷狄不如而禽獸之類耳俾當昇平且  
不足恃而况國已僨乎

陳

陳高祖武皇帝姓陳名霸先吳興人也

吳興郡名屬江州今湖州

府梁武帝大同中為廣州參軍廣有亂討平之以功

為將軍尋為交州司馬西江都護高要太守督七郡

諸軍屢平寇亂

高要郡名屬廣東今肇慶府是也

侯景陷臺城霸先

時守始興結郡中豪傑起兵討景先取江州為州刺  
史引兵會諸軍卒以平景遂為將相於梁以至受禪

屢平寇亂

即位三年殂改元者一曰永定子二人昌頊皆以江陵陷時没入長安臨川王立是為世祖文皇帝頊音旭没也籍没也

史斷曰陳高祖本自單微遭時屯剝當臺城告急梁祚播遷選將練兵勦除元惡三年之間遂移梁鼎篡位之後務欲儉素常膳不過數品後宮不飾金玉然其即位纔五日禮樂刑政百未一舉顧乃躬蹈梁武卑賤之迹出佛牙設無遮會效胡人膜拜於觀闕前而不知恥曾未暮年又復幸寺捨身貽謀之道果如是乎黃塵汗衣不待賀若弼韓擒

虎之來而魄兆已先見矣

○周王稱帝

文皇帝名蒨武帝之兄子也在武帝平梁亂時已有功至是即位蒨倉甸反○周王始稱皇帝○齊主洋盡滅元氏之族前後死者凡七人洋殂諡曰文宣皇帝太子殷立洋在位十年

史斷曰文宣因仍霸業大柄久移曾未暮年遂移魏鼎得國之初深以三方鼎峙繕甲治兵每臨行陣親受矢石屢犯艱危多至克捷至於五六年後以功業自矜遂肆酒縱欲淫昏強暴或身自歌舞盡日通宵或散髮胡服雜衣錦綵或袒露形體塗

傅粉黛無道之極浮于獨夫晚年恣行屠戮幽二弟浚渙於地牢越歲而殺又滅魏宗室二十五家盡赤其族得戴其元以歸地下幸矣

周帝  
竝立

周宇文護憚周主毓明敏有識量進毒弑之諡曰明

皇帝毓弟竝立

毓在位二年

史斷曰明帝繼之厥鑒不遠懲前車之覆轍芟除而勤滅之可也夫何機務雖收而軍旅大權猶摠於護既不能剪夷禍根而又資以兵柄是虎而傅翼自殞其軀哀哉若夫推付託之公心恢宇文之洪業亦足以爲明矣

齊文宣帝之母弟常山王演廢其主殷爲濟南王而自立尋弑殷演立一年而殂諡曰孝昭皇帝母弟長廣王湛又廢演子百年而自立後殺百年

母弟同母弟也

史斷曰孝昭早居臺省留心政術閱明簿領吏所不逮及廢殷自立輕徭薄稅廣求民瘼內無私恩外收人望封先代之裔敦學校之風徵召賢才文武畢集每訪左右冀求忠直于時國富兵強將圖進取之策假之以年足使秦吳旰食遠圖不遂議者實深惜之然其違趙道德之諫而行篡奪於始背婁太后之訓而弑濟南王於終輕許長廣王以

傳位又復立子百年為太子遂使疑怨交積而百  
年卒斃於亂挺之下雖稱孝友奚足尚哉

後梁主晉殂太子歸立

歸音窺○晉安於儉素不好酒色以封疆褊隘邑居殘毀

鬱鬱不得志疽發背卒

○齊王湛傳位於太子緯自稱太上皇

帝○陳主起自艱難知民疾苦性明察儉勤在位七

年殂改元者二曰天嘉天康太子立是為廢帝臨海

王艱與艱同

史斷曰文帝起自艱難備知民間疾苦專務儉約

投籤于階寢必驚覺可謂知為政者矣

廢帝臨海王名伯宗安成王瑱受遺詔輔政

瑱武帝子廢帝

陳主知民疾苦

諸父也

○齊主湛殂諡曰武成皇帝

上皇在位五年傳位於太子至是殂

史斷曰武成以孝昭介弟入嗣大紘風度高爽文

武之官俱盡謀力有足稱者然狎愛庸豎委以朝

權幃幕之間淫泆無度李后嫂氏縱慾侵凌既奪

其身又殺其子未幾又困逼之幾抵于死此殆不

可以人理斷也

陳主在位二年改元者一曰光大安成王廢為臨海

王而自立是為高宗宣皇帝

史斷曰廢帝懦弱乏君人之器及居大位政刑皆

屬於安成王未幾為其所廢哀哉



○  
周誅  
宇文護

宣皇帝名頊初陷入長安文帝時周人送頊還陳至是卽位○周主誅宇文護始親政廢佛道毀淫祠立通道觀以一聖賢之教觀去聲胡氏曰物壞則蟲育木朽則蠹生人少則禽獸繁氣衰則邪沴入中國之有異端也亦然聖王不作三綱淪九法斃於是反常悖道之說肆行而不可遏矣周武奮然攘而闢之其意善矣然終不能絕何也曰欲闢異端者必隆儒術求賢人明仁義興教化而後人心正邪說息矣周武於此闕如也又况繼以嗣子之狂昏哉

亡北齊

齊主緯多嬖寵政亂周伐之入鄴齊主傳位於太子恒自稱太上皇與幼主走青州爲周師所獲殺之夷其族北齊建國六世二十八年而亡爲去聲史斷曰後主婁庸下之資懷易染之性輔之以中官媚之以聲色罕見朝臣不親政務酣歌醉舞奏音度曲自號無愁天子一日萬機委諸匪人官由財進獄以賄成亂政害民不可盡書一旦邊塵告急顧乃攜挈嬖幸脫身逃竄以危邦墜業付之幼主蓋欲竊揖讓之美而嫁滅亡之罪於他人操心如此天所不容假手于周理則然矣

周主邕深沉有遠識政事嚴明稱為賢主滅齊一年而殂壽三十六諡曰武皇帝在位十八年史斷曰武帝踐祚慮謀深遠以蒙養正及誅護後始親政事聽覽不倦用法嚴整身衣布袍不用錦綉後宮妃嬪不過十數專崇儒術兼罷老佛而海內永康銳情閱習校兵訓武故能得人死力以弱為強及平齊後毀宮室之壯麗省妃嬪之員數雕琢之物悉賜貧民可謂善處勝矣然適嗣子之非才昧宗社之大計但欲威之捶楚期於嚴肅義方之訓豈若是乎

太子贊立立皇后楊氏后父隋公揚堅用事為上柱國大司馬贊自為太子時好昵近小人立未一年傳位於子闡自稱天元皇帝驕侈彌甚又一年而殂諡

曰宣皇帝

贊於倫反好去聲昵尼贊反親狎也闡齒善反

史斷曰宣帝即位之初即肆凶虐季父至親一朝殺之如斃犬彘喪僅逾年恣情聲樂魚龍百戲旁午殿內自是而後遊宴沉湎旬餘不出羣臣奏事悉倚宦者五后並立紀綱蕩然得保首領歿於牖下已為幸矣

揚堅自為大丞相進相國階王加九錫周主闡禪位

揚堅  
自為

隋主周主  
于禪位

于隋尋被弒諡曰靜帝隋主盡滅宇文氏之族周自稱帝至是五世二十五年而亡

史斷曰靜帝越自幼冲紹茲衰亂內外挾孫曹之詐威藩無齊代之強楊堅談笑遂移神鼎嗚呼宇文黑獺親弒孝武黜辱廢帝把握魏政逾二十年至其子覺遂篡取之不三四年二主俱被弒戮未及三十年楊堅奄有其國且赤其族俾無遺種積惡之報可畏也夫

陳主在位十四年改元者一曰太建殂太子立是為後主長城煬公煬音漾

史斷曰初文帝知長子仁弱早存泰伯之心頃於是時拜伏固辭繼以滄泣誰不信之然文帝之肉未寒孔奐之言尚在顧乃欺凌孤弱躬行篡奪其用心詐橫甚矣值時昏亂欲復侵疆委任凡才既得壽陽復望徐兗遂致師亡國蹙蓋亦宜哉日又昵愛太子以匪人為詹事恣長夜之飲而帝不知陳祚之亡實胚胎於此矣

○後主長城煬公名叔寶自為太子與詹事江總為長夜之飲詹事東宮官名即位未幾起臨春結綺望仙閣各高數十丈連延數十間皆以沉檀為之金玉珠翠為之

起臨春結綺望仙閣

文武解體

飾珠簾寶帳服玩瑰麗近古未有沉澶並香木名其  
 下積石為山引水為池雜植花卉卉許偉反陳主居  
 臨春閣貴妃張麗華居結綺龔孔二貴嬪居望仙複  
 道往來貴妃貴嬪皆婦官名江惣為宰輔不親政事日與孔範  
 等文士侍宴後庭謂之狎客使諸貴嬪與客唱和其  
 曲有玉樹後庭花等君臣酣歌自夕達旦和去聲宦官  
 近習內外連結宗戚縱橫貨賂公行縱橫言多也或音去聲謂放縱  
 也強橫範與孔貴嬪結為兄妹範自謂文武才能舉朝  
 莫及將相微有過失即奪兵權由是文武解體以至  
 覆滅朝音漱○京兆登氏曰解體謂人○梁主歸殂心離散如手足解脫不屬於身也

後梁亡

太子琮立隋主廢而滅之自晉稱帝於江陵臣於西  
 魏周隋所統數郡而已凡三十三年而亡  
 史斷曰梁自元帝被執之後蕭譽即據有江陵遂  
 為後梁自譽及歸琮更三主大抵皆以儉約安境  
 內與蜀漢僅存劉祀若相似者而作史者乃絕梁  
 而進陳何哉蓋譽昭明之子武帝之孫元帝之從  
 子也譽為不道以姪千叔稱藩千夷招兵入寇囚  
 執季父居然納拜又加詰辱俾絕宗社固天理所  
 不容矣而况譽本為魏所立甘心附庸於魏則又  
 與江左立國判然而不相屬焉故綱目於譽之立

以魏使稱帝書之其為國可知矣彼昭烈之漢名  
正言順為漢討賊而蕭譽之梁則為賊於梁者也  
是安得而妄比哉

隋師伐陳

隋以晉王廣為元帥帥師伐陳廣文帝第二子揚素韓擒虎

賀若弼分道而出若音應負若獲姓也高熲為元帥長史句問

薛道衡江東可克乎對曰克之郭璞言江東分王三

百年與中國合此數將周長上聲王去聲下同陳主聞有隋兵

謂近臣曰王氣在此彼何為者孔範曰長江天塹豈

能飛渡臣每患官卑虜若渡江定作太尉公矣陳主

以為然奏伎縱酒賦詩不輟塹七艷反○塹濠池也言天設長江之險以為

陳主投井

濠塹也伎與妓通女樂也賀若弼自廣陵濟江韓擒虎自橫江宵

濟采石守者皆醉擒虎遂自新林進直入朱雀門橫江

即橫塘在采石對岸采石山名在太平新林浦名在建康陳主自投景陽井中軍

人窺井將下石乃以繩引之與張麗華孔貴嬪同

東而上俘以歸景陽樓名其下有井單後主在位七

年改元者二曰至德禎明禎音貞

史斷曰後主因削弱之餘踵滅亡之運不脩內政

不虞外患以天神則不事而事邪患以忠直則不

近而近狎昵以百姓則不恤而恤犬馬小人下流

之態靡所不具是黃屋左纛出警入蹕之中居一

小人焉易曰負且乘致寇至其後主之謂乎  
陳自高祖武帝至是五世三十三年而亡

司馬公曰武帝與王僧辯同事梁室誅夷侯景乘  
時伺間卒成大功奄有江南斯亦難矣文帝恭勤  
政事足為良主孝宣值齊之衰而啓土逢周之興  
而喪師豈非不恃內而恃外者邪夫以陳國區區  
不能居天下五分之一慄慄危懼猶不能保其社  
稷况後主荒淫無度以趣之納身咎并不亦宜乎

隋本傳隨高祖以周齊不遑寧  
處故去是作隋以是訓走故也

○隋高祖文皇帝姓楊氏名堅弘農人也父忠仕魏及

天下廢太子勇

周以功封隋公堅襲爵堅生而有異及長相表奇異

周人嘗告武帝普六茹堅有反相堅聞之深自晦匿

長上聲相去聲○普六茹胡姓也堅本姓楊魏恭時賜此姓也女為周宣帝后周靜

帝立堅以太后父秉政遂移周祚即位九年平陳大

下為一自東晉以來天下分開皇二十年廢太子勇

為庶人初帝使勇參決政事時有損益勇性寬厚率

意無矯飾帝性節儉勇服用侈恩寵始衰勇多內寵

妃無寵死而多庶子獨孤皇后深惡之晉王廣彌自

矯飾為奪嫡計后贊帝廢勇而立廣為太子是日天

下地震惡去聲○庶子庶妾子○仁壽三年龍門王

王通  
獻策

王通詣闕獻太平十二策帝不能用罷歸教授於河

汾之間弟子自遠至者甚衆龍門縣名屬河中即夏陽也通字仲淹門人私

諡曰文中子汾水出太原府晉陽西南入河

胡氏曰隋文在位二十三年其賢其否固哲士所

量以行藏其道使王通而不知或知之而與之言

皆不足以爲智矣且通誠有太平之策不待君之

求之而登門自獻不揆自處之不重亦豈所以養

其君尊德樂道之心而望之以大有爲之功哉

四年帝不豫召太子入居殿中太子預擬帝不諱後

事爲書問僕射楊素得報宮人誤送帝所帝覽之大

太子無禮

患

射音夜患音媿○後帝所寵陳夫人出更衣爲太

子所逼拒之得免

更音庚爲去聲○帝恠其神色有

異問故夫人泣然曰太子無禮

法胡犬反帝恠抵床

曰畜生何足付大事獨孤誤我

抵床以手將召故太

子勇廣聞之令右庶子張衡入侍疾因弑帝遣人縊

殺勇右庶子東宮官名帝性嚴重勤政事令行禁止

今去聲雖吝於財賞功不吝吝音色愛養百姓勸課農

桑輕徭薄稅自奉儉薄天下化之受禪之初民戶不

滿四百萬末年踰八百萬踰過也然自以詐力得天下

猜忌苛察信受讒言功臣故舊無終始保全者猜倉才反

也疑在位二十四年改元者二曰開皇仁壽太子立是為煬皇帝

史斷曰隋文以宇文異姓之親受周主托孤之寄乘時幸釁遂竊周鼎及既平陳方得進承正統躬節儉平徭賦每且視朝日昃忘倦雖蓄貨財不吝賞賜乘輿四出路逢上表者必止輦親問分遣行人采訪吏治得失民間疾苦罔不垂意當是時百姓繁庶衣食豐衍突厥室韋韃靼林邑高昌女真莫不入貢可謂盛矣然帝素不學而又濟之以刻薄之資是以專任小數而不悅詩書廢除學校而

禁毀佛像甚者以讒言廢太子勇以小過殺秦王俊而父子之恩滅為獨孤所制單騎出走中夜不返而夫婦之道乖囚勇於東宮付阿摩掌之而兄弟之倫亂殺李君才戮虞慶則元勳宿將誅黜殆盡而君臣之義莫有存焉由是大禍遽興身亦不保哀哉

營顯仁宮開通濟渠

煬皇帝名廣開皇末立為太子至是即位首營洛陽顯仁宮發江嶺奇材異石江嶺謂大江以南五嶺以北也又求海內嘉木異草珍禽奇獸以實苑囿又開通濟渠自長安西苑引穀洛水達于河引河入汴引汴入泗以達于



舟造龍

淮集覽曰穀水出穀城洛水出弘農上洛縣冢嶺山東至河南鞏縣入河汧水出陳留浚儀陰溝至蒙

為離水東入于泗泗水出兗州泗水縣陪尾山至彭

南入海又發民間邦溝入江旁築御道樹以柳音邦

寒溝名自長安至江都置離宮四十餘所江都縣名屬揚州雜

官猶言遣入往江南造龍舟及雜船數萬艘以備遊

幸之用艘音西苑周二百里其內為海周十餘里為

蓬萊方丈瀛州諸山高百餘尺臺觀宮殿羅絡山上

窮極華麗迂音宮樹凋落剪絲為花葉綴之沼內亦

剪絲為荷菱菱芡色渝則易新者菱音岐菱別名也芡音欠維頭菱也

作清夜遊

躡音俞好以月夜從宮女數千騎遊西苑作清夜遊

曲開永濟渠

曲馬上奏之好從騎皆去聲後又開永濟渠引沁水南達于

河北通涿郡沁七鵠反水名出沁州歷又營汾陽宮

在汾州北又穿江南河自京口至餘杭八百里餘杭縣名屬杭州

置洛口倉於鞏東南原上城周二十餘里穿三百窰

窰皆容八千石十斗為石帝或如洛陽或如江都或北巡

至榆林金河或如五原巡長城或巡河右營造巡遊

無虛歲榆林縣屬雲中徵天下鷹師至者萬餘人徵

天下散樂諸蕃來朝陳百戲於端門執絲竹者萬八

置洛倉

鞏音拱縣名屬河南

帝或如洛陽或如江都或北巡

徵天下鷹師至者萬餘人徵

天下散樂諸蕃來朝陳百戲於端門執絲竹者萬八

千人終月而罷費巨萬歲以為常散上聲朝音潮巨與鉅同○散樂如

今之彈唱者夷狄曰蕃音樂志曰與龍爛熳俳優侏儒山車巨象校并種瓜殺馬剥驢等奇恠異端百有餘樣名曰百戲君之正門○徵高麗王入朝不至大

帝擊高麗

業七年帝自將擊之徵天下兵會涿郡救河南淮南

江南造戎車五萬乘供載衣甲等乘去聲發河南河

北民夫供軍需需與須同用也言江淮以南民夫及

船運黎陽及洛口諸倉米黎陽縣名舳艫千里往還

常數十萬人晝夜不絕死者相枕天下騷動百姓窮

天下騷動

困始相聚為盜舳音逐盧抗去聲○舳尾曰舳○

寶建德兵起

漳南寶建德兵起漳南漳水之南也括地志云漳水今俗名柳河在荊州平縣南○

揚玄感反

帝所徵四方皆兵集涿郡一百一十三萬餽運者倍之首尾亘千餘里至遼東攻城不克諸軍大敗而還明年再徵兵自將擊之餽饋同巨居鄭切延衰也○楚公揚玄感

見朝政日紊潛謀作亂至是督運黎陽遂反紊音問亂也督

潼關兵敗走死潼關在華州華陰縣帝又如涿郡伐高麗高麗

遣使請降帝還長安使去聲已而如洛陽如汾陽如江

李密起兵

都巡遊仍無虛歲汾陽縣名屬太原○蒲山公李密兵起密

少有才略志氣雄遠輕財好士嘗乘黃牛以漢書掛

牛角讀之楚公揚素遇而奇之由是與素子玄感游

劉公稱李王長德寶帝弘林  
武魏密樂稱建稱士

少好皆去聲初從玄感起兵玄感敗密變姓名亡匿時人

皆云揚氏將滅李氏將興又有民謠歌曰桃李子皇

后走揚州宛轉花園裏勿浪語誰道許謂桃李子者

逃亡李氏子也莫浪語誰道許者密也密遂與群盜

翟讓等起攻滎陽下之建牙紆所部西行說下諸城

大獲說音稅○皇后揚州蓋謂揚玄感及隋也○番陽賊帥

林士弘稱楚帝據江南鄱陽縣名屬饒州府○杜伏威據歷陽

○寶建德稱長樂王樂音洛○馬邑校尉劉武周朔方

郎將梁師都各據郡起兵○李密據回洛倉略取河

南諸郡稱魏公○突厥立劉武周為定陽可汗取樓

周為定陽可汗梁師都稱帝薛舉稱秦王蕭銑稱梁王

煩定襄鴈門諸郡可汗音克寒夷狄君長之號樓煩郡屬山西今嵐州○梁師

都取雕陰弘化延安等郡自稱梁帝陳氏曰雕陰郡屬陝西即上郡

弘化郡屬鞏昌今慶陽府延安郡屬陝西今之延安府是也○金城校尉薛舉起

兵隴西自稱西秦霸王○武威司馬李軌起兵河西

自稱涼王○薛舉稱秦帝徙據天水○蕭銑起兵巴

陵自稱梁王銑音銑後梁宣帝曾孫○唐公李淵起兵太原克

諸郡入長安時大業十二年帝在江都淵遙尊為太

上皇而立代王是為恭皇帝

司馬公曰煬帝以悖逆詐謀坐承富強之業志驕

氣溢慨然慕秦皇漢武之為人窮奢極欲兵連四

夷政煩賦重盜賊蜂起而猶巡幸不息以樂蹈憂  
惡聞直言善自壅蔽噫率是道也雖禹湯文武之  
子孫未或不亡况隋無積善之基乎

○

恭皇帝名侑煬帝之孫也年十三為李淵所立改大

業十三年為義寧元年淵自為大丞相封唐王侑音又元

德太子昭之子也○煬帝在江都淫虐日甚酒卮不離口見

中原已亂無心北歸從駕多關中人思歸遂謀叛以

許公宇文化及為主夜引兵入宮縊殺煬帝宗室無

少長皆死惟存秦王浩立之而自為大丞相擁眾而

西離從少皆去聲長上聲○許國公爵宇文姓化及名後周族也○蕭銑稱梁王於

唐公李淵封唐王煬帝酒卮不離口

唐禮于唐

江陵○恭帝即位半年禪于唐隋自高祖至是三世  
凡三十八年而亡

史斷曰恭帝為李淵所立當是時四海土崩群盜  
蜂起雖欲為隋庸可得乎迹其禍亂之原尋其覆  
亡之兆揚堅得國之初不越月間既弑其君又赤  
其族使宇文氏灰飛煙滅蕩無遺燼近代滅國之  
禍未有若是其烈者楊廣當父病革淫烝父妾行  
甘鳥獸曾不旋踵弑父殺兄禍出不測逾年之後  
一日而殺其猶子者七人屠戮之慘亦略相報稱  
晚年身死人手至撒床簀以裹尸受禍之烈亦前

代罕有語曰君以此始亦以此終隋祚之不長未  
爲不幸也隋之創業大抵與秦皇略同而其再世  
亡國亦如之然秦皇焚書而五帝三皇以來六經  
之學遂亡隋皇焚讖書而秦漢晉魏以來讖記之  
學遂亡其利害之相反亦足有可稱談者焉

古今歷代標題註釋十九史略通考卷四之下

